

WAWASAN 2020

MAHATHIR MOHAMAD

PELANDUK PUBLICATIONS



PERDANA
LEADERSHIP
FOUNDATION
YAYASAN
KEPIMPINAN
PERDANA



PERDANA
LEADERSHIP
FOUNDATION
YAYASAN
KEPIMPINAN
PERDANA

WAWASAN 2020

MAHATHIR MOHAMAD

DRAF

PUSTAKA PERDANA



1008159

Institut Kajian Strategik dan Antarabangsa
Pelanduk Publications
Majlis Perdagangan Malaysia



PERDANA
LEADERSHIP
FOUNDATION
YAYASAN
KEPIMPINAN
PERDANA



PERDANA
LEADERSHIP
FOUNDATION
YAYASAN
KEPIMPINAN
PERDANA

MALAYSIA: MELANGKAH KE HADAPAN

Tujuan kertas kerja ini adalah untuk mengemukakan beberapa pandangan saya tentang arah pertumbuhan masa hadapan negara kita dan langkah-langkah yang dapat kita ambil untuk mencapai matlamat membangunkan Malaysia menjadi sebuah negara industri. Kertas kerja ini juga menyusur galur beberapa langkah yang perlu dilaksanakan dengan segera sebagai titik tolak perjalanan kita yang jauh menuju matlamat terakhir.

Kita berharap rakyat Malaysia yang lahir hari ini dan beberapa tahun yang akan datang akan merupakan angkatan terakhir yang masih hidup dalam negara yang disebut “membangan-

Inilah naskah kertas kerja yang dikemukakan oleh YAB Dato' Seri Dr Mahathir Mohamad pada sidang pertama Majlis Perdagangan Malaysia yang berlangsung di Kuala Lumpur pada 28 Februari 1991, yang dikenali sebagai Wawasan 2020.



PERDANA
LEADERSHIP
FOUNDATION
YAYASAN
KEPIMPINAN
PERDANA

gun". Matlamat terakhir yang sepatutnya kita cita-citakan adalah pembentukan sebuah negara Malaysia yang benar-benar maju menjelang tahun 2020.

Anda mungkin bertanya: Apakah yang dimaksudkan dengan negara yang benar-benar maju? Apakah kita ingin menjadi seperti salah sebuah daripada 19 buah negara yang kini secara umumnya dianggap "negara-negara maju"? Apakah kita hendak menjadi seperti United Kingdom, seperti Kanada, seperti Belanda, seperti Sweden, seperti Finland, seperti Jepun? Nyatalah bahawa tiap satu daripada 19 buah negara itu, daripada lebih 160 buah negara dalam komuniti dunia, mempunyai beberapa keistimewaan. Namun tiap satunya juga mempunyai beberapa kelemahan. Tanpa menjadi tiruan negara-negara tersebut, kita tetap dapat menjadi negara yang maju. Kita perlu menjadi negara yang maju menurut acuan kita sendiri.

Malaysia tidaklah harus menjadi negara yang maju dari segi ekonominya semata-mata. Negara kita mestilah menjadi negara maju dari



PERDANA
LEADERSHIP
FOUNDATION
YAYASAN
KEPIMPINAN
PERDANA

segala seginya: dari segi ekonomi, politik, sosial, kerohanian, kejiwaan dan kebudayaan. Kita hendaklah mencapai kemajuan sepenuhnya dari segi perpaduan negara dan kesepaduan sosial, dari segi ekonomi, keadilan sosial, kestabilan politik, sistem pemerintahan, mutu kehidupan, nilai-nilai sosial dan kerohanian, selain mempunyai rasa bangga dan keyakinan akan bangsa sendiri.

Malaysia sebagai negara yang benar-benar maju: Satu definisi

Menjelang tahun 2020, Malaysia boleh menjadi sebuah negara yang bersatu padu, dengan masyarakat Malaysia mempunyai rasa keyakinan diri, ditunjangi oleh nilai-nilai moral dan etika yang utuh, menikmati kehidupan dalam sebuah masyarakat yang demokratis, liberal lagi bertolak-ansur, berbudi, adil dan saksama ekonominya, progresif dan makmur, dan sepenuhnya menguasai ekonomi yang mampu bersaing, dinamis, tangkas serta mempunyai daya ketahanan.





PERDANA
LEADERSHIP
FOUNDATION
YAYASAN
KEPIMPINAN
PERDANA

Malaysia yang benar-benar maju tidak akan kunjung tercapai sehingga kita akhirnya kelak dapat mengatasi sembilan cabaran asasi yang strategis yang telah kita hadapi sejak negara ini lahir sebagai sebuah negara merdeka.

Cabaran yang pertama adalah membentuk sebuah negara bangsa yang bersatu padu serta menyanjung masa hadapan yang diperkongsi bersama. Bangsa itu mestilah sejahtera, terintegrasi wilayah-wilayah dan kelompok-kelompok etniknya, menikmati kehidupan bersama yang sepenuhnya berasaskan persamaan hak dan keadilan, membentuk sebuah "Bangsa Malaysia" dengan rasa taat setia dan pengabdian yang tidak berbelah bagi terhadap bangsa tersebut.

Cabaran kedua adalah melahirkan sebuah masyarakat Malaysia yang bebas, teguh dan telah terbentuk jiwanya, yakin akan dirinya sendiri, bangga akan keadaannya kini dan segala sesuatu yang telah dicapainya, dan cukup tangkas untuk menghadapi segala macam rintangan. Masyarakat Malaysia itu mestilah mempunyai sifat-sifat mengejar kecemerlangan,



PERDANA
LEADERSHIP
FOUNDATION
YAYASAN
KEPIMPINAN
PERDANA

benar-benar menyadari segala kemungkinan dirinya, tidak terkongkong jiwanya, dan dihormati pula oleh semua bangsa lain.

Cabaran ketiga yang senantiasa kita hadapi adalah cabaran membentuk dan memperkembang sebuah masyarakat demokratis yang matang, yang mengamalkan suatu bentuk demokrasi Malaysia yang unggul, berasaskan muafakat dan musyawarah, dan dapat pula dicontohi oleh negara-negara membangun lainnya.

Cabaran keempat adalah membentuk sebuah masyarakat yang kukuh ciri-ciri moral dan etikanya, dengan para warganya mempunyai nilai keagamaan dan kerohanian yang utuh, dan ditunjangi oleh budi pekerti yang luhur.

Cabaran kelima yang terus menerus kita hadapi adalah membentuk sebuah masyarakat matang yang bersifat liberal lagi toleran, dengan setiap warga bangsa Malaysia, tanpa mengira keturunan mahupun kepercayaannya, bebas mengamalkan dan melaksanakan adat resam, kebudayaan serta kepercayaan agamanya mas-



PERDANA
LEADERSHIP
FOUNDATION
YAYASAN
KEPIMPINAN
PERDANA

ing-masing, tanpa merasa tersisih daripada bangsa tersebut.

Cabaran keenam adalah membentuk sebuah masyarakat yang bersifat sains serta progresif, berdaya cipta dan berpandangan jauh ke hari muka, yakni sebuah masyarakat yang bukan sahaja dapat memanfaatkan teknologi kini tetapi turut menjadi penyumbang terhadap pembentukan peradaban sains dan teknologi pada masa hadapan.

Cabaran ketujuh adalah membentuk sebuah masyarakat berbudi dan berbudaya penyayang, sebuah sistem sosial yang lebih mementingkan masyarakat daripada diri sendiri, dengan kebajikan rakyat tidak diasaskan pada negara mahupun individu, tetapi pada sistem kekeluargaan yang kukuh lagi mantap.

Cabaran kedelapan adalah menjamin terbentuknya sebuah masyarakat yang adil ekonominya. Masyarakat itu akan menjamin pengagihan kekayaan negara secara adil lagi saksama, dengan kemajuan ekonominya dinikmati bersama oleh setiap rakyat. Masyarakat yang



PERDANA
LEADERSHIP
FOUNDATION
YAYASAN
KEPIMPINAN
PERDANA

demikian tidak akan terbentuk selagi terdapat penentuan fungsi ekonomi berdasarkan kaum dan pemusatan kemunduran ekonomi kepada kelompok-kelompok kaum yang tertentu.

Cabaran kesembilan adalah membentuk sebuah masyarakat yang makmur, dengan ekonomi yang mampu menghadapi persaingan, bersifat dinamis, tangkas dan mempunyai daya ketahanan.

Banyak yang telah kita capai dalam usaha melaksanakan matlamat-matlamat tersebut. Sembilan objektif utama ini tidaklah semestinya tersenarai menurut urutan keutamaan kita bagi tiga dasawarsa yang akan datang. Nyatalah bahawa keutamaan bagi sesuatu titik waktu yang tertentu perlu didasarkan pada keadaan khusus zaman itu sendiri.

Namun demikian, amatlah besar kemungkinannya bahawa cabaran strategi pertama yang saya kemukakan itu—yakni pembentukan bangsa Malaysia yang bersatu padu—akan merupakan cabaran yang paling utama, dan yang paling asasi.